

四庫全書

集部

欽定四庫全書

集部
松泉集卷六
五

主事_臣汪彥博覆勘

武英殿纂修編修_臣吳廷選

欽定四庫全書

松泉集卷六

起己酉至辛亥

吏部尚書汪由敦撰

鄰松草堂歌為楊士千作

芳溪溪水流淙淙四山圍合多青松主人構架因山麓
松翠入簷如比屋蒼苔清蘗老龍鱗箕踞寧容白眼人
半偃蚪枝挂明月高排直幹凌青雲虛堂六月無炎熱
松底石泉暗鳴咽設設風驚萬壑濤琤琤晴落千尋雪

我初到此堂新構朱陳密契親情厚兔絲蟠結女蘿垂
百歲期看冬嶺秀誰知重到傷心處骨肉情深泪如注
田荆無復再榮枝謝絮何堪舊吟句只有簷前幾樹松
照人落落顏如故

余長妹聯君
弟先後物故

登堂相對有餘哀索賦

新詩首重廻卜鄰我亦思髯叟梁棟如今須巨材

大雨行貴池山中夜投逆旅不得宿陳秀才

增山

館留贈二首

蒼松千疊擁歸雲薄暮烟村杳不分急雨深宵勞借榻

不妨翦燭暫論文

橫經環坐列諸生燈火青熒到五更他日玉堂鈴索夜
夢回應記讀書聲

錄晏城壁間詩示張雪為

雪為題晏城旅次七絕一首云沽酒烹鮮勞僕
夫出山路勝入山無莫言前路平原好狹處多
聞少坦途後有介休留君題曰自順河集至此
屢見岑溪張子署名映斗者所題詩味其辭旨

慨然想見其人因志廿八字於此倘得訂交亦
他日三生石上佳話也其詩曰癸亭才子留題
處投筆翩然何所之那識風塵五百里有人驢
背誦君詩書作章草甚古雅時為丁未四月余
過此則已酉五月相去三年幸未滅沒而留君
之名已歸剝落雪為留滯京邸固未之知也因
亟錄示之并次韻一首或異異日留君見此更
成藝苑美譚耳

文昌妙句思無敵才勝微之與牧之莫道風塵少知己
為君試誦壁間詩

寒夜讀書和張南華同館韻

最是清曹識感

恩朝回喜得杜衡門一編未了燈前課好就篝爐宿火
溫

案頭幾卷讀殘書故舊相逢興有餘那得下帷消九夏

苦從圖畫憶山居

予有夏日山居
圖南華筆也

漫道稽康七不堪淋漓墨瀋興沉酣異書大可資譚助
願就先生乞枕函

示諸同學

光嶽蘊靈秀為國生俊民

聖皇樂旁求聲教覃八垠藹藹衆君子觀國利用賓威
鳳集郊甸慶雲麗青昊嘉禾與靈芝翕集瑞應臻詎若
得人瑞贊化宏經綸即看引試日甘雨夕復晨作霖卜
他年示象諒有因

大鈞播羣物洪纖各有造回薄隨所遇有憑若先導長
育在陵阿左右勤采芣玼玉固區分鹹酸亦殊好即茲
一日知可以喻至道升沉紛萬端委心釋矜躁

名位亮不輕要須待人重上下千古間賢達一何衆事
業富伊臯行誼師顏仲匪恃榮名榮當求用世用忝冒
處非擬徒以資嘲諷溫飽負科名斯言異常誦

東西與南北惟君命所之棟梁與榱桷小大各異施利
用舟車貴潤色黼黻宜深惟建官意外相維持受祿

懼勿稱何暇論班資華選遺厚寔麗官潤膏脂東食更
西宿妄想寧非癡營營身家計輾轉不自支試問歲大
比選造將奚為俯仰有餘責捫心幸長思

棗樹

中庭少珍木棗樹花始密雖乏冶艷姿微香頗清逸當
暑布繁陰深秋落嘉寔饋食充豆籩告虔比榛栗甘踰
過嶺欖化豈踰淮橘磊落抱赤心終焉保貞質薜英雖
照灼轉盼朔風疾

王吏部前輩十體千文歌為家東在賦

隸書六代傳千文散騎集字追右軍永師墨妙兼正草
後來變化如浮雲四體初聞趙松雪衡山繼執意又新
大都未是得意筆好事摸榻徒紛紛阿咸好書本天性
挿架牙籤多莫並王郎書蹟老益神風骨堅蒼兩腕硬
別裁偽體煩討論妙契古始師法正小篆初宗李少溫
圓瘦參差意深靜更探詛楚最淳古屈鐵裹綿風力勁
八分斬截端且研離披俯視谷口鄭峻嶒行楷仿率更

天馬昂藏氣絕橫戲鴻偽刻肥失真却笑尚書工鑒定
二王草法尚道緊顛狂未足稱神聖百番宣紙為君揮
臨摹自運兼殊勝穆如羣后謁帝庭黼裳端冕鏗璜珎
森如武庫列五兵彤弓盧矢矛重纓尊罍醴萬羅法物
木難火齊光晶瑩明牕棐几暫開卷坐令文趙慚書名
至寶要當得所託墨池頗苦惡札惡石不能言恣彫鑿
骨弱鋒鉅神氣索宛陵好手過王著請煩入石妙填廓
傳之千古正俗書上掩鴻都凌秘閣

賦寄家南鳴索畫

滌崖畫格高無敵逸韻橫披入深寂胸貯黃山萬仞峯
雲氣排空流翠壁升堂小阮嗜探奇精詣自譜無聲詩
墨海雲濤恣驅染詞客前身多畫師我朝寶繪數諸老
石谷南田風格好士夫更愛西廬翁陶鑄荆關寫懷抱
此事要須書卷功底向敗鱣求副藁我雖不畫曉畫理
暫為當家一傾倒千里鶯花綠映紅平山山色有無中
畫旨即今行處是煩君為寫吳淞水

同館張南華為余寫夏日山居圖漫題長句

我癖愛山兼愛畫況復炎蒸苦湫隘眼前忽見山居圖
似脫塵埃餐沆瀣山居九夏全無暑深樹叢篁覆庭宇
奇峯突起萬壑雲瀑布常飛四時雨我家舊住山水窟
暮靄朝嵐清砭骨結夏難忘廿載前瀟灑山中間歲月
今來看畫神相遇面面林巒莽迴互疎簾不下窓無塵
髣髴當年讀書處濕翠沾衣急雨晴蒼烟撲硯歸雲暮
剡啄從無俗客來提壺偶趁鄰翁去涼蟬斷續助高吟

好鳥相呼識幽趣
嶺雲本自無心出
磻戶烟蘿黯蕭瑟
有山那許便深居
消夏何妨空送日
同調憐君妙詞翰
點染荆關後
蒙瓚索居多暇
數舒卷一幅丹青
頻把玩
身在蓬壺寄遠情
差喜入山緣未斷

題南華瀟湘竹墅小景即次原韻

眼底西山夕照昏
胸中別自有江村
夢回深竹浮烟岸
索畫人來正打門

溪外荒洲落漲痕
新篁老樹別成村
按圖合置三間屋

兩道奔泉恰到門

予家木瓜洲舊多巨竹今漸廢

題南華買簪谷小景次韻

惟有讀書能療俗高懷遠悟原難續若從畫筭苦推求
天閑萬驥皆凡肉看君掣底千萬峯總是紛綸五經腹
掀髯一笑誰知音五百年來繼坡谷

南華仙筆超凡俗妙畫清詩日相續詩中有畫畫有詩
絲竹何曾不如肉掉頭巢父歸何速高眠肯負便便腹

對君圖畫把君詩暮雲春樹迷空谷

時南華請急將歸因用前韻送之

附原作

凡百可為惟怕俗清言千載無人續胸中但有老
可竹何妨日喫東方肉讓溪太史風流人聞我
此言應捧腹為問君家竹木洲何如畫裏篋簪
谷

叙舊抒懷七言排律四十韻寄祝內兄查頌三四
旬

雲擁仙人五色羊雕弧懸處好年光繁花爛熳春纔半壯

歲飛騰仕甫強湖海雞盟推意氣坵壇牛耳擅文章竹林
舊雨尊常在池草新詩夢許長雅有朝雲工指腹早看樊
素靚調妝客兒携得芝蘭秀選集生來玉雪香迢遞親情
頻注念情騰往事細論量家門孔李鄉書舊譜牒高曾世

澤昌

先高祖同鄉公與君高祖孝廉公同登萬厯己酉鄉
書以下叙與頌三少試同受知海寧張公及連姻事

我解操觚才舞勺君方橐管妙穿楊連名受卷魚同隊
並案分題雁趁行知己心期懷卓魯壓人名氏笑盧王

予在第二
名在第四

留連裙屐追陪密絡繹箋繒屬和忙頓覺

昌黎廿北面却憐逸少在東牀長余歲齒應稱弟歸妹

姻親合是郎鴻爪年年移旅跡魚鱗一一數歡場

以下叙少

年嬉戲及同赴試旌德錢唐事

丹砂狡獪麻姑少烏有虛無李白狂猗

旒新聲青玉案風流雜佩紫羅囊緋瓊擲采揮鸚鵡錦

葉探籌數鳳凰寄興不妨聊跌宕逢時寧敢倦趨蹌春

城李艷枝枝雪秋郭楓丹樹樹霜凍雨疲驢過新嶺驚

濤短楫度錢唐文裁瑞錦花生管氣吐長虹劍耀鉞辛

苦丁年欺白袷殷勤午夜力青箱玉經燒後心翻熱金

入爐中性愈剛讀史江樓雞喔喔溫經禪榻日荒荒分襟躑躑當殘臘襪被踟躕上野航此後相思不相見至今相憶迥相望

以下叙余至京師君留粵東事

羸網獨向長安道竹轎

分馳使嶺裝那得閒身安井閑并無荒札慰參商廿年人事多糾錯千里傳聞類渺茫跡豈居陶名偶異金携同舍賈能償越王臺上憑懷古陸賈城邊屢望鄉賦海張融才卓犖擅場錢起興飛揚即今珊網恢賢路幾許

襴衫謁

帝閭幽谷蘭芬原易識深泉珠媚詎終藏會知鵬運扶
搖上指顧鴻遠接翼翔別後頗聞腰腹大來時莫待鬢
毛蒼援毫伸紙情千緒烹鯉呼童遠一方扇底蕉紅花
映字盤中荔綠月浮觴一年一韻題詩祝百韻他年續
寄將

題王飛石大令對鏡圖

秋水開奩絕點塵空中應現宰官身人間除是江心鏡
照得鬚眉爾許真

送杭堇浦南還即用其過春集中半壑圖九言韻
杭君有才翫髒苦不過搗來結夏白晝門長扃權奇個
儻逸足盡騰踏嗟汝創殘帖尾留荒坳幽谷無人芳蘭
亦自媚天寒日暮修竹空亭亭手編小集暗惜春易過
曲終誰賞江上青峯青我從松泉齋頭得暫見藐然姑
射冰雪來娉婷同譜落落不得一把臂聊題長句遙遠
歸西泠把君詩卷竟日一再讀疎蟬獨引秋爽排虛櫺
喜君選詞一色采新異憐君造意獨出孤玲瓏美君健

筆爛熳恣揮灑
媿我枯落獨坐槐陰廳
日翻故牘朝報
若斷爛都荒舊學有似風花零當年隨手東塗更西抹
薄力不足為君給使令君從軟紅掉頭謝溫卷好向寒
碧刻志先模經黃鐘大吕端合在雲陸斷潢絕港詎得
揚風矚清狂任誕有名在人耳吠聲頗怪蜀犬兼秦矜
到家下帷不復作故態時術蛾子速化成螟蛉古來作
者麻立婢羣雅母為局促偃蹇頽纖形假君優閒此日
足可惜風狂百歲雙轂無淹停天生美才要令善所就

遜心厚殖直挾造物靈三年養成所至不可量
遜君鳳城春色花冥冥

為同年趙橫山題高侍郎畫鷹

侍郎氣與秋霜肅彈指風生寫長幅孤松落落撐高枝
上有角鷹愁側目金眸玉爪出風塵威稜颯颯動有神
草中狐兔氣已懾昂藏獨立何嶙峋俯視羣雛勿驚避
老拳肯為纖禽試萬里雲霄顧盼間看取頭鷹能力致
登堂一見盡神聳轉惜名材置閒地先生自賞英俊姿

孱懦嗟予見殊異清風一鶴儘堪携妙跡羣鴻自遊戲
連巢接翼盡鵙鷺底向軒楹呼猛鷲繡句今年丹鳳凰
九苞翮羽房山陽當令勁翮慙文章請君圖取作屏幃
我仍有句賡梧岡

青陽年伯壽詩七言一百韻

九華奇秀龍騰公

音騰見劉禹錫九華山詩

靈氣磅礴鍾名賢文如

驅濤如湧泉傳抄萬手騰朱鉛小試已出曹偶先氣壓
旁郡歛與宣拔萃充賦來長安華問藹藹公卿間成均

鼓篋橋門闕講德論著王子淵吹噓待上蓬壺巔欲到
未到風引還

六飛于邁揚虹旃東南才儁紛摩肩屬車獻賦卷軸聯
先生綵筆干衆乾才名卓犖動九天

御書拜賜墨未乾朱提十笏內府頒上堂稱壽歡慈顏
諸生榮遇儔與班集賢延閣讐緗編秘文蒐討藜夜難
水衡月給堂餐錢狐裘金織羅華鮮遭逢雖盛遇合艱
扶闌再試猶迤邐選人墨綬絲竹牽先生掉頭辭一官

丈夫跬步排金鑒霜華豈惜兩鬢斑齒文才壯心逾堅
珠宮丹詔看網珊鵬翼擎水搏三千清切直侍香案前
造物有意相周旋欲令宿老驚嬋娟玉府圭璧輝璣璣
中有彝鼎古色殷明光視草筆似椽應

召出塞搖征鞭山莊山色青蜿蜒陳琳何遜俱翩翩枚
乘張協體共研

至尊含笑恩命傳

今皇渥澤尤蕃便高文鉅榜進奉虔淋漓大筆許與燕

潤色謨典臯陶篇廣颺帝載鳴薰絃

南齋清秘燭賜連甲第爽塏日月邊

宸翰炳耀蛟龍纏老成端諒高評詮奎章嘉獎領衆仙
文章大雅學術全驪珠卅顆照八埏披香宮扇鏤金鈿
主持文柄幹化權三輔俊秀歸陶甄煦拂嘉植歲碩孱
知有守溪有震川高者則古窮經箋姱修不復流輕儇
至今道之口流涎密勿啟沃趨

經筵綸扉峻陟入座遷宗工當代物望專衆星之斗山

泰山走蒙剪拂今有年
驚足不受錦繡韉
敢望顧眎煩
臯欽先生謂可示術
阡每語見許情
卷卷憶昔破寺墻
西偏風神洒落紅
兩顴清談娓娓無拘攣
繭紙百幅揮
雲烟塞垣新典秋
花媽磬峯窈窕落日圓
平沙漠漠溪
潺潺長鬚折簡裳
頻褰歸來深巷屐
更穿紙窻映雪珠
跳濺圍爐滿酌藥
玉船不知門外鋪瓊田
官高下士故
不捐虬戶雖峻容
躋攀到門輒荷倒展延
小許接武翔
花甌通家拜紀有夙緣
嘉平令序雕弧懸恒月
初上蛾

眉妍綺席綦履紛駢闐錫福受祉方蟬連南極一星耀
台躔千秋作者歐陽韓坐調元化持璣璿高松百尺顏
蒼然蔚為國瑞凌彭錢

題盧叅軍松風解帶圖

磔礪百尺松偃蹇深谷底鬱鬱千霄姿太息胡為爾託
跡雖云卑長風動千里歲寒厲貞操春風笑桃李玉川
蘊真性畫諾資卧理解帶坐長吟臣心淡如水俯視宿
莽中霜菊粲繁蕊愛茲晚節香仰彼高柯峙不遇柴桑

翁誰能喻微旨

夜坐

霜清月白漏頻移坐檢殘編點筆遲憶得放翁詩句好
讀書有味似兒時

都人以小琉璃瓶畜紅魚作供戲成六韻

一片空明積水寒浮紅耀白錦鱗攢泳游便得江湖趣
煦沫寧知天地寬掉尾鯨長驚跋浪揚鬣鯢化急迴瀾
落花聚處盆中見弱藻牽來鏡裏看映日乍疑冰未泮

試燈翻訝雪成團琴高也幻壺公術等作龍湫萬頃觀
題吳君朗亭印譜

鼎腹量麟跡渺茫螭蟠龜壓記難詳若為更琢青田乳
盡擬西京撥蠟章

送程生歸邦江兼懷尊人皖上

星橋開處促驪歌才子翩翩逸興多夾道黃金官路柳
一條碧玉古淮波竹西舊雨牽清夢異北新年喜暫過
珍重家函煩問訊皖江風物近如何

題徐潛昭所藏米元暉山水

春雲濛濛濕不飛，層巒漠漠開林霏。
力窮造物入毫素，老顛仙筆傳元暉。
楚山清曉無由見，尺幅寸縑珍紀甌。
含毫待制知幾何，玉璫金題歸秘殿。
此圖流落自何年，蛛絲煤尾淪寒烟。
忽逢好事得收拾，腰纏豈惜奚囊錢。
於潛徐翁隱埃壑，几列緹緗羅寶繪。
子昂獵騎趙昌花，什襲雖多此其最。
臨安山水多峴奇，圖中所見猶依稀。
橫風吹雨過溪外，山腰紫氣斜陽低。
雪花打窓歲方晏。

邀我題詩展繒練我詩漫興何足多鑒古尤難辨真贋
朝來舒卷坐擁鑪眼前歷歷西子湖平橋老樹虛亭孤
山樓對雨誰能圖感君珍重拂拭誰道知音世難得
只愁名蹟少流傳不乏高人能賞識

席渭南舉子其弟寶箴舍人屬賦

東山蜿蜒吞湖浪祭酒黃門傳宅相石麟五色天上來
充閭喜氣遙相望鳳池蘭譜逢難弟屬客分牋同志喜
鶯筵競奏將離曲為想香裯深閣裏我幾四十始抱子

啼聲一試情難已况君年復過我年開懷約畧知何似
坡老雖云萬事足徐卿袞袞還相屬掌上初擎合浦珠
懷中更種藍田玉弄麈錯寫漫裁詩仙果生來未厭遲
待君百歲稱觴日渠亦平頭六十時

冷梅畫一偉丈夫撫劍獨立小童奉書隨其後皆
道錄也漫題二絕

腰下干將玉虎盧瑯嬛秘笈有陰符清時底用誇櫛具
更檢真靈位業圖

脉望青猿有別傳珊珊俠骨號頑仙上清何處探真秘
好誦南華說劍篇

海昌相國壽詩

南極星高燦斗樞中台黃髮應貞符長依黼座宣經術
手整琅函紀典謨魁象分明森八柱蓬山迢遞映雙弧
憑將金鏡千秋錄添寫衣冠盛事圖

公誕辰遠過
壽節公子方大編

修同日覽
揆故云

祝嘏欣隨鵷鷺羣火城初見散氤氲作朋自

合徵三壽唱第曾聞奏五雲力幹鴻鈞叅造化筆宣

皇澤耀星文貞觀慶厯多名相共倚同心翊

聖君

門庭似水迥無塵雅興翛然勝賞新雨露偏滋椿歲月
雲霄長養鶴精神清吟憂玉詩千律鉅榜廻鸞肘萬鈞
餘事儘誇才力健從容潤色太平春

文章山斗重鑿坡偏歷崇班歲紀多海內具瞻仁者壽
中朝師表惠之和波涵瀛海增籌算路迥沙隄接佩珂
自向賓筵陳抑戒幾人能和葛天歌

公有八十述懷
詩一十六章

題朱聲仲孝廉小照

朱君昔同舍一別今十年京塵偶相遇雙髻未改元朝
來示我圖錦暉裝輕紈軒窓迥幽邃綺疏映長欄簷際
排青松落子驚晝眠牆角種芭蕉微雨洒綠天翠竹金
瑣碎老樹枝連蜷髣几列清玩香篆金博山瓶花靜相
對揅架羅緇編階前犀角兒玉雪姿可憐嬉笑弄金印
繡戟玉砮懸乳媼一何艷明璫綴雲鬟侍兒亦可人羅
綺愁嬋娟纖手捧冰瓷步進行珊珊繚垣界銀粉有桂

復有蘭問君此何地而君坐其間若者皆何人與君相
周旋一一煩品題賦詩儼輞川畫師太劇戲君胡助其
瀾君笑唯且否爾見何卑酸我家深山中老屋才數椽
有兒早攀桂攻苦硯作田青衣賦中郎椎髻色不鮮頻
年作遠客清坐知無緣昨來成此圖快意聊當前即境
工點綴毫末分清妍若謂非我有我神現毫巔舉似當
世人孰謂我不然不見朱門中洞房曲相連鴛鴦七十
二薄髻妝輕蟬聯珂列畫戟瑤珥森隨肩此境世所有

此圖圖未全笑君眼界狹
覷衆紙裏錢噫嘻文人心浩
渺窮調謾仲長樂志論香山池上篇
要唯意所擬千古紛流傳
譬若嗜飲徒見麴流口涎又如饑腸鳴
盡餅充盤餐是幻亦非幻
邯鄲枕中仙真者孰非幻
過眼如雲烟寓言擬蒙叟
妙旨問竺乾人生行樂耳
等作圖畫觀

欽定四庫全書

松泉集卷七 起士子至甲寅

吏部尚書汪由敦撰

題澤州王觀察錢江看潮圖

龍山赭山海疊逼蹴起潮頭高百尺排空勢挾風雨來
銀河倒挽崑崙坼青山兩岸爭崔嵬聞聞萬鼓轟晴雷
奇觀爭羨曲江曲魚龍百隊跋浪開石塘盤紆壓江滸
千古神功水犀弩齊紂尺幅寫豪情筆底猶看浪花舞

使君勝蹟滿明湖疑是前身玉局蘇帆懸岸濶應迴憶
月夜重門記此圖

題同年顧稼軒耕讀圖

有田不解耕有書不解讀也取高科飯飽腹欲畊苦無
田欲讀苦無暇坐惜年光不相借朝驅牛向隴頭膚焦
背赭不得休徵租納稅終歲愁鑽故紙說名理帖括埋
頭覓青紫五車四庫度經史紛紛一笑等可憐人生乃
為物所牽力田豈必皆逢年皓首難博一字傳耕耶讀

耶兩非計展君此畫煩評論湖塢負郭無寸土柱腹空
有卷五千人人生有道急當務不若掩卷先求田熊魚兼
好少決擇那得跨鶴還腰纏或云無田尚為累何況多
稼連陌阡破書幾冊還可理不稼任取譏木屨未知二
說竟誰是齊楚等失無譏焉橫經負耒皆本業治生經
世率所先方今風厲自

上始

躬勤黛耜開經筵幸逢清時得肆力抱持書卷來田間

太倉坐食竊有恥經畬鹵莽心拳拳牛膝力作念襁褓
難寬攻苦憐寒糴偶成此卷寄微尚望梅畫餅何戔戔
耕不必膏腴萬頃遠宅邊讀不必縹緗萬帙羅目前但
營百畝手一編先疇舊德詒世世共安耕鑿窮經箋秋
針刺水柳陰綠圖中景物方鮮妍願君努力遂此計含
哺高咏黃虞篇

題畫

一痕輕綠映苔枝犀甲猩唇弄曉姿喜聽翠禽窻外語

小園春淺雪晴時

題同年趙學齋春曉讀書圖

春深芸館日初長
坐整緇編起曙光
花氣一簾鈴索靜
青藜五夜笑人忙

西清圖籍勝瑯嬛
日在金書玉字間
鶯囀皇州春色麗
不須清峭說湖山

最愛春暉上綺疏
風光九十正舒徐
侵晨兀坐書堂裏
何似趨庭授讀初

金史曰月令卷七
朝烟未泮露華溥縹緲書聲破曉寒桃李門前春似海
一番新雨潤庭蘭

清晝雖難鎮掩帷尚容攤卷對朝曦鳴騶吹角雞聲裏
合向圖中憶此時

秘殿讐書課自嚴朝朝旭日暎牙籤多君解食神仙字
輸我東窗一枕甜

題靜海大司寇老圃秋容圖

以題為韻

金商扇清飈澄景麗晴昊萬寶旣成實貞莛播芬藻崇

岡挺高柯曾及韶光早東皇雨露濃灼灼顏色好磊砢
閱歲華相伴鶴骨老

意愜境自偏坐愛苔石古攤書散幽襟松竹靜可撫端
居韓元化蕭晨藹春煦晚香遠益清籬邊菊新吐有嫩
圖中人何讓安陽圃

秋泉湧萬斛注壑如飛虬震區待霖雨仰企蒸雲油琤
琮奏清音賞心足千秋瀛波浩無際風景冠十洲始信
淵源長可以納衆流

秋庭羅衆卉神芝蔚分叢五色互輝映竝薦齋房宮瓊
寶世所珍寧畏霜雪封高雲淨天宇風月娛清容葆此
歲寒姿坐看春華濃

題少宰吳館師松篁坐嘯圖卽次原韻

烟霞媚幽姿泉石展清照公望今斗山披圖憶年少白
傳集賢真風流閱耆耄何似松篁間秀挺逼神肖健筆
想當年天門儼龍跳綿津風雅宗燕寢奉言笑名流時
翕集八座盡英妙翩翩十五子江左振高調文壇蔚鏗

轟酒陣恣酣醕夫子迥清拔經訓窮突奧淄澠示別裁
醖酸殊俗好陶鎔納羣品衣被極遐徼曳屐入文昌斯
文炳台曜蚪枝摩蒼昊縹節貞晚操感舊寄深情滄浪
記游釣道然鸞鳳音蘇門聽長歎

題南村聽鶯居圖

草長江南柳色齊
曉窗日日聽鶯啼
詩腸鼓吹誰能會
斗酒雙柑試共攜

三高祠畔綠楊村
百轉新聲傍小園
却笑天隨真漫叟

對人只道鴨能言

友人乞詩壽唐毓東供奉六十

國朝寶繪推名手
麓臺石谷相先後
唐君筆力迥高騫
元氣淋漓意深厚
烟雲滿紙欲飛浮
嵐暝翠沾人衣
偶然命筆亦千古
坐覺山水含清暉
銅龍窸窣畫清燕
客歲春深曾

召見素練高張
馭娑宮揮毫却入明光殿
海天空濶展新圖
勝概直欲凌方壺
滄溟萬里波蕩潏
齊烟九點青

模糊倪黃風韻荆關筆

至尊含笑稱第一藝苑從茲盛事傳千秋知遇逢今日
火樹銀花白玉盤良宵初度簇芳筵不須更覓延年術
弱水蓬萊在筆端

孟冬朔前一日

上閱視

時享祝版侍班先期齋宿

起居注館恭紀

香案前頭綴直班身來天上俯塵寰清宵角枕游仙夢
總在金鋪玉砌間

雞鳴紫陌曙星稀魚鑰催傳啟禁闌百道彩霞籠曉日
清暉先上侍臣衣

奉常雙導祝高擎宗伯開函啟

御名華蓋中天清切地袞衣瞻拜近前楹

寄學士凌榆山前輩

冰鑑連年建節幢陶鎔萬類氣鴻龐鰲峯地峻瞻台斗

瀛海波深接漢江澈底清承

天眷渥到頭寬得士心降文星迥映文昌座絳帳高褰

畫燭雙

玉署曾陪笑語歡頭廳槐影露華溥清高自守家風在
閱歷深知此道難共信貞心如鐵石好從真味別鹹酸
公餘遠道能相憶硯沼冰凝竹簡寒

瑞栢行

河間太守李君瑛新葺學宮廟庭古栢枯
二十年矣時復敷榮學使吳少詹繪圖傳

之

畿南雄郡惟瀛海
泮宮瑞栢紫朝靄
新枝葱蒨忽重榮
古榦槎枿逾廿載
風霜飽歷閱精華
雨露濃沾發光彩
孤根得氣本來深
摘藻乘時若相待
左紐蒼紋淨如拭
孔林楷檜分顏色
溜雨時聞翠葉香
干雲兀見千尋直
長養原姿造化功
栽培自荷宗工力
素練朝披光蕩蕩
新詩高詠逾清綺
玉署方今重棟梁
公門此日羅桃李
涵濡

聖澤育良材
輝映宮牆薦嘉祉
他年樹底再摩挲
更頌

梧桐慶多士

題吳總憲匡廬觀瀑圖

匡山蔚奇勝芙蓉削崆峒開先與三峽界道懸流雙深
谷飛白龍雷霆日奔撞含吐蘊元氣萬古聲淙淙玉淵
淨空碧高寒落虛窻吾師識真面山靈迓麾幢堅瘦聳
詩骨清潭映眉龐青蓮白蘇後角立意未降隻手挽銀
河淨洗羣言咙餘潤所濡被流派涵西江願挹飛泉作
霖雨遍灑膏壤開犁耜

錢香樹前輩用王新城司寇喜羨門少宰卜鄰韻

見贈次韻奉酬二首

聯綬青坊初拜命，忽披郕札勢翔雲。
韻裁清玉追王翰，坐挹名香接令君。
銜冷不妨同署宇，官閑正好細論文。
後塵更忝餘光照，屣履相從儘夜分。

皇華春浥函，關雨水鏡晴。開石廩雲

先生巳酉典試湖南辛亥壬子宣

諭秦中

燈火一牆聯比舍，唱酬千里劇思君。

先生使秦時予有詩

奉懷卽承次答

多慚若水人，倫鑒難繼相。如典冊文，十載心期。

勞刮目玉堂風月敢平分

盆蘭小集得暖字

秋香汎崇蘭猗猗被長阪忽登君子堂遂與蕭艾遠嶺
嶠道阻修幽姿直到眼承以青玉盤素心愜深緒亭亭

四五榦足敬楚九畹深坐挹清芬靜覺在室滿

黃山谷
云蘭香

在室滿室
在堂滿堂

宴笑集良朋納涼呼引琰我來適邂逅接席竟

忘返有如同心人含情待一展相逢久別餘意洽無深
淺孤根慰嘉遇不畏風霜晚庭階幸栽培春谷年年

暖

中秋前二日王次山同年招同吳敬齋劉延清趙

朗岑雅集

又見當頭壁月圓露華浮動晚涼天開尊客愛同年舊

下直人遲夕照邊

延清以殷直後至

語為素交多脫畧時逢良

夜重流連九衢歸路真如水醉卧車當百丈牽

年時回首憶諸君鎖院深嚴各典文桂嶺晴開嵩少月

燕山秋劃點蒼雲

去秋次山典試貴州延清典試河南敬齋曾學雲南朗岑曾學廣西獨予

留都獨聽遠漏思千里
閑領清光到十分
今夕可應判一醉
花枝交映雁聯羣

敬齋和前韻見示次韻奉酬兼懷韻菴滇中

照眼驪珠顆顆圓
爭輝明月恰中天
消除韻事宜閑日
撥觸吟情到酒邊
萬里關山三歲別
九秋風雨一牆連
輸君才似張雲錦
軋軋機絲信手牽

滇南盛事數馮君
先後來看冰雪文
不少心情清似水
多君氣誼藹如雲
放懷正擬經過數
同調寧論遠近分

為問蠻荒官閣夜可能對月念離羣

王樓山前輩瑟齋詩

王公學道人名齋顏以瑟誦詩徵訓詁厥義取嚴密周
防期檢押省括戒奔軼逐寇破屋中東入乃西出所以
昔賢訓秘鑰在主一存心為匪懈居敬所無逸瓶城善
自守天帝相爾室生愚未聞道疑義更相質制器先尚
象命名必其物不聞清廟聲朱絃間疎越神聽本和平
雅淡中倫秩絙絃懼急張膠柱難應律千秋沂水情益

然太和溢師曠善審音允諧匪專壹議道貴自己臨民
自殊術名理倘可尋幸勿哂輕率

送海昌相國予告歸里四首

耆碩中朝德望崇

溫綸予告禮尤隆台階特晉同疏傳

晉階太子少傅

勤請頻聞

比潞公

文潞公致仕制勤請頻聞誠心莫奪

祖帳畫圖傳盛事超朝几杖

把虛衷垂紳不獨誇颺拜進退從容盡可風

早占魏科歷保衡身兼厚福與榮名綸扉物望尊元老

鼇頂文章領衆英得歲轉添松栢健抽簪遙訂鷺鷥盟

粉榆父老歡迎處卅載重看畫繡行

公襲以請養南歸
罪今幾三十年矣

裴莊喬木蔚森森雨露滋培歲紀深戀闕心情懸日月

出塵風味寄山林如掾自草歸田錄

賜研憑賡擊壤吟小試經綸娛翰墨屏間新帖總唐音

公時以屏帖分屬同館
諸君作書皆自集唐句

威鳳丹霄逼斗躔蘭陔撰杖荷

恩偏

公子編修方大
奉命侍養

駐顏觴進紆宮錦和韻詩成續綵

箋儘有縹緗留鄴架不須花木記平泉

熙朝懿典優人瑞存問頻看介大年

題射獵圖

蒼鷹掠地馬跑空想見當場意氣雄
憶得景宗豪快語
鼻尖出火耳生風

不羨長楊作賦才明駝駿馬蹴氛埃
橫行合具封侯相
底向如臯射雉來

除夕和趙學齋韻

十載清班忝致身今宵餞臘正迎春

開歲元旦立春

漏聲漸聽

將交子魁柄俄看又指寅芸局圖書從汗漫青編姓氏

懼湮淪

是夕燈下編訂明史文先列傳

挑燈點檢經年事多愧蘭臺筆

札新

蹉跎心事漫量論勲業惟應守兔園詩卷幾番虛雅集

學齋同吳敬齋侍郎有菊集詩予未得和

花時多半負芳尊短轅趨直朝

霜重小硯抄書宿火溫隨手年光易拋擲任從花鼓隔

鄰喧

甲寅元日疊和學齋韻是日齋宿翰林院署

五雲多處好依身喜占風光玉署春正歲放朝虔典祀

時以祈穀致齋 清宵連舍協同寅楊講學農先吳朝賀改初九日行禮 侍讀晉綺瑩謹

齋侍講同宿院中 烟籠苑樹觚稜峻雪擁階苔屐齒淪三宿三

遷排日去爐香燎火幾番新初二日以詰朝視祝版入直起居注館初三日

宿壇開歲三朝齋宿處凡三易地

盛事槐廳好細論奎光東壁映西園人歸物望台垣近
名重文章泰岱尊劉井柯亭遺古韻螭坳鰲頂荷春溫

他年記取瀛洲錄

朱竹垞前輩有瀛洲道古錄

元旦新詩萬口喧

學齋

詩和者甚衆

題春明折柳圖送朱水部出守澤州

玉河冰泮雪初消
嫋嫋春風上柳條
折向青門意無限

送君作郡在今朝

十載蘭香萬首詩
都人爭唱曉風詞
班春易了公家事

午壁留題記晉祠

輕黃柳色短長亭
點染春光入畫屏
馬首太行濃似黛

勝看萬點蜀山青

鹿田前仕
江油令

渭城朝唱擁驪駒多少新詩上畫圖一出春明肯相忘

好從烟柳憶皇都

茅屋桃花圖

茅屋幽閑綠溪清此一翁翩然疎闌獨倚神臞而腴思
澹而綺花光滿天明月在水

雨中山桃花盛放香樹先生招同人雅集卽席用

昌黎山石詩韻

春陰漠漠朝雨微
花開便恐隨風飛
隔牆山桃三兩樹
脂紅粉白顏色肥
倚窻長望惜虛度
泥塗躑躅車馬稀
宮端清暇折寸簡
食指屢動忘朝饑
長筵選客盡同調
筵展先後排雙扉
花光近夕更妍麗
千枝玉雪搖烟霏
回思去年花放日
我正病卧帶減圍
今來花下宜痛飲
何惜好雨沾春衣
探籌一笑聊作劇
令僕翻慮勞塵畿
流連燭跋漏三下
興酣尚勸毋庸歸

晚香玉

娟娟香露玉無瑕
瑟瑟金風日易斜
賴有素心堅晚節
留教老圃伴黃花

蔣漚滄晶玉印譜

揮毫肘幹千鈞力
淬水鋒迴徑寸鋸
玉檢赤文需大手
許教絕藝一身兼

花乳雕鏤滿容囊
象犀餘厄到黃楊
何當盡采天西玉
摹取車攻鱣柳章

白海棠詩

并序

雍正壬子秋靜海勵文恭公殯車還里第中有
公手植海棠二株當秋吐華色變綺素繁盛滿
目人咸異之門下士梁溪鄒編修徵畫工傳寫
其狀蔚然首唱諸從公遊者咸有和章予亦繼

作

尚書棟梁幹厚地培根株聳枝摩青霄垂蔭際海隅凜
凜冰霜顏散藻敷春腴梁木忽以壞梓里旋素車迎門
雙碧樹凌秋擢瓊苓濃霑青霜華淺綴玉露珠哀容入

生綃鉛粉傳新圖常年笑春風婀娜臨前除燦爛雲錦
裳猶記手種初公騎箕尾去歷歷粲白榆甘棠有遺愛
感召一氣餘况傳元成業喬木森扶疎庭蔚桃李棟
蓂交枝村循陔慕白華宰樹巢慈烏卉木先得氣靈秀
鍾扶輿故教神仙品

王元之商山海棠詩不忝神仙品

示此道德符不

見郊西廬綠槐夾天衢鶴鳴晴臯松鳳翻丹山梧以茲

念度徵物理夫何殊伊昔荷知音眄睐慚櫟枵寫真記

秋容泉石蒼顏舒

公叢以老圃秋容畫題屬題

墓門今宿草永寶金

薤書

寓齊屏帖
公手書也

悽惻繼八哀展卷空踟躕

題周嵩山墨牡丹

天然富貴姿而無塵埃氣江左風流入愛作解散髻

五月五日

勤政殿侍班和同直錢集齋學士韻

侍直當佳節聯鑣有德鄰招呼聽隔舍導從歷重闌柳
暗張高幄蒲新簇細茵軒車趨紫陌鐘漏出

丹宸延接登三事臚傳輟九賓

御門聽政不設臚贊與
大朝列仗不同

驗時陽正午測景日加辰勲衛分行整封章次第陳禮
從朝典肅事必憲章循晬穆瞻

當宸疇咨逮列紳

睿謨思作聖

天聽智如神密勿叅承旨機樞慎演綸金盤催

賜膳羅帕更分珍出入隨元老

各部院面奏及引見畢則侍班諸臣皆退

諸官留俟折本請旨同閣臣俱退

霑濡忝近臣差肩前輩重初命職司

親旅進神俱飲迴班氣載春草侵橋外路樹拂苑中人

攜袖香仍滿垂鞭馬自馴薰風迎面快斜照候歸頻珠

玉傳高唱雲霄接後塵年時徵吉夢一一證前因

上年春仲

學士夢與余同侍詩帳及是果符所夢乃學士拜命後第一班益信風因之不與云

王瑟齋副使轉餉臨清有舟中述懷詩寄集齋學

士學士邀同人和詩以廣其意次韻二首

持節多年憶禁林牙檣遠泛思沉沉烟開堰樹千帆過
水入淮流一道深午夜蒼茫梁月夢尺書珍重歲寒心
東南正切輸將寄未許芒屨問碧岑

萬點烟青指蜀山林泉繚繞夢思間波從到海仍餘潤
雲待成霖豈易還玉粒正須煩巨手金丹好為駐蒼顏
憑將鄉井攀轅意寄語秦淮水一灣

周西白自山左來京下榻三月復為長山之行贈

別二首

十年旅跡路漫漫拂面黃埃暫解鞍鱸舍舊遊時荏苒

尊人襄任
錢塘學博

鵲原餘痛泪闌干

令兄洪
玉孝廉

居憐炊玉千錢貴

榻傍條冰五月寒只有鵲華山色好西山看後更重看

半生心為望雲牽策蹇京華事偶然蓮泛清淮催暮雨

花開粵嶠隔蠻烟

十年前晤君清江幕中後為閩廣之遊行色頗壯

從教判牘

如流水悔不拋書早力田卜築倘能諧夙願他年相訪

歷山前

西白有卜居山左之興

題龍梅圖

高卧山中萬古春冰霜鱗甲雪精神應知處士孤山客
本是南陽一輩人

欽定四庫全書

松泉集卷八

起乙卯至丁巳

吏部尚書汪由敦撰

題徐澂齋前輩翦淞秋棹圖

酒熟螯肥十月春
吳淞江水碧粼粼
天教泛宅浮家去
占取江湖署散人

積水連城東復東
片帆斜掛鯉魚風
菰蒲深處春流暖
不比鯨波射日紅

金公巨居全言 卷八
萬株楊柳映柴關
溪友漁翁日往還
曲罷何人解相和
自將韶濩寫雲山

再題二首

蟹斲牛宮事事新
多應甫里是前身
只餘一事休相效
養得能言鴨賺人

半江秋水媚幽居
魚鳥親人盡不如
如此風光須領畧
莫拋心力著叢書

戲寄姚處齋同年

雪擁高齋官興闌青氈坐處不勝寒誰知芸閣含毫客
還羨荒厨苜蓿盤

桐城相國倣高青邱漁樵耕牧詩各二首敬次原
韻

浩蕩層波裏沿洄近渚涯沙頭團小聚船尾載全家網
晒晴楊暖晷開暮雨斜任他風浪濶安穩傍蘆花
迹不涉通津悠然物外身詎工投餌術遙羨濯纓人花
港徐牽網苔磯坐引綸換來村釀熟賞遍五湖春

青崖開雪逕紅樹簇霜林不走層岡險偏宜曲磴深
聲驚卧虎歌響答鳴禽好護凌霄幹休教灌莽侵

雨來巖是屋露宿樹為椽選勝隨高下爭歸或後先披
裘非有意看奕豈知仙頗笑朱翁子勞生半百年

舊業東臯畔三時紀歲功分秧朝課雨倚耒遠呼風廣
隰占多稼膏腴頌屢豐輸租須及早未患挈瓶空

最愛春深候良苗出土齊雉馴飛隔隴犢健過前谿長
畝宜嘉種新畬受淺犁欣看婦孺攜榼傍遙堤

頗適兒童性徜徉度陌阡杏花村店雨芳草渡頭烟肥
瘠原相忘池阿任自然不勞師卜式分產更輸邊
敢負求芻意隨時視起居興來橫短笛情不羨高車力
豈能調象經聊學養魚問渠車下客叩角待何如

知舍弟讀書僧舍追憶舊遊寄題四首

古樹平岡聳佛廬躬耕力作課僧繖烟中歌笠鋤青隴
溪外放牛眠綠蕪滿院香飄金粟粒當軒花艷玉盤盂
吟風最愛牆邊竹為問平安似舊無

小樓聽雨寄繩牀燈火青熒歲月長

予自己丑以後讀書庵中凡四年

匝地陰濃禽上下一天霜老樹丹黃連筒曲注山泉細
竝架齊抽野蔓荒祇厭草深萍密處鼃聲閣閣斜陽
爽氣西來遠近峯攤書行藥日從容霜郊晴好勤朝穫
春水灘高急夜春寒巷月明聞犬吠泥濘雨過少人踪
只今趨直聽

宮漏猶認山樓夢裏鐘

官書疊疊冗難裁鄉思騰騰撥不開出水鮮鱗供斫膾

脫蓬新粟佐銜盃溪橋烟澹春前柳籬落香餘雪後梅
池草竹林多寂寞幾時情話更相陪

段家嶺僧房小憩用壁間韻

晨雅陣陣入寒空衣點霜華旭日紅輸與山僧朝課罷
圍爐趺坐小窻中

題彭宮允使滇草

綈几牙籤耀日新禁闌才子奉

恩綸

聖朝顓俊從來重天末還煩第一人

波分洱海千層碧彩綉卿雲五色紋誰識謝家詩格在
芙蓉初日擅清芬

金沙江上竹枝聲不盡斜陽弔古情詞客有靈應悵望

鐵衣原不負科名

集中滇南秋興有
弔楊升菴先生句

棘院深沉逼斗奎驛程迢遞拂塵埃秋風準備皇華句

又見含元索筆來

宮允以今科典試列名應
係和殿御試故及之

大宗伯吳文簡公輓詩

碧落芒寒望斗星中朝耆碩仰芳型天章繪繡超三代
學海淵源濬六經瀑水雪消千仞白蓮華霧鎖九峯青
遺榮典禮隆褒卹

溫詔聯翩下

帝廷

凌雲知遇始諸生晚達終看晚節榮一代典謨歸大手
廿年湖海慕高名流連宿莖才逾健敷歷崇班品更清
宜獨遭逢誇厚福平生端諒有公評

牙絃千古重心期引分忘年未較遲委巷雪飛留短屐
晴軒花澹醉深卮秋風塞上挑燈夜曉日

宮門聽履時歷歷游從勞夢寐尚餘真氣溢鬚眉

三達尊兼五福全薤歌聲咽潞河船官寮集送

君恩重津吏趨承

詔旨宣莊號讀書銘舊業里名通德表新阡憑將知己
無窮淚洒向青門盡翬邊

次韻酬宋考功華金見懷之作

紅藥朱櫻取次殘
心情閒澹稱閒官
燕棲舊舍聊因疊
蝶愛新花自作團
坐穩尚思憑曲几
行遲未敢傍危闌
多君聽漏遙相憶
應笑條冰五月寒

烟郊道中大風

過午風威勁長空
萬籟號平沙吹薄
霧老樹捲驚濤天
際鷹呼亟塵中馬
足高

翠華猶未駐扈從
敢言勞

用前韻戲東田郎中退齋

金匱山房詩集 卷八
難唱匆匆曉夢殘風情誰得似郎官黛螺點筆山容澹
紉扇題詩月樣圓榻畔香濃調綠綺簾前花發遶朱欄
塵中不信炎歎逼一枕清涼玉臂寒

題晴嵐藕香書屋圖四首

千枝灼灼照銀塘老柳濃添屋角涼中有謝家詩格在
墨花香和藕花香

仙露凝珠滴翠盤粉衣香葉映雕闌此間消得鉤簾坐
應笑昆明走馬看

雲錦平鋪弄碧漪
水香偏愛納涼時
月華風露知多少
長晝何妨下直遲

衝花小艇擊空明
拂檻香風遠益清
昨夜新成采蓮曲
隔花依約棹歌聲

題同年趙學齊疊韻白秋海棠詩後

剝繭抽蕉別出奇
傳神繪影恰相宜
何妨更奏陽關疊
譜作羣芳第一詩

學齊三疊前韻四首復題一絕

澗翻花海又爭奇十二層樓位置宜睡起玉真應一笑

江梅空擅百篇詩

中舉大師有
梅花百咏

入閨紀事用少保西林相國閨中書懷韻

文治光華麗日輝

新恩申命啟春闈宮花艷壓承筐帛

寶翰香沾在笥衣材入郢斤多杞梓羹調元鼎異甘肥
雲芝威鳳逢時見始信千秋遇合稀

春和西林相國書懷之作

春風杏雨沐恩輝
載筆重叨集禮闈
敢道文章能作繪
還憑經術贊

垂衣別裁浮艷期
歸雅物色塵埃笑
舉肥此日洪鈞歸
鼎鼐琴材不歎賞
音稀

鳳翽梧岡覽德輝
萬方瑜瑾集春闈
重垣地迴風傳析
五夜寒深雪點衣
苦志自能開寔與
高懷寧肯戀輕肥
即看鴻筆持風會
誰道元音舉世稀

附原唱

鄂爾泰

金匱要略卷八
和風萬里扇春輝對策人多謁貢闈欲網珊瑚搜赤水肯拋玉尺換朱衣魚龍浪溷珠防贗牝牡羣開馬辨肥記取蜀坡推具眼尚迷五色認依稀

同事諸先生一時和詩甚衆畢黃門趙宮贊多至五六疊戲繼其後奉呈二公

明珠滄海鬪清輝雅唱爭先出鎖闥藻火新披千尺錦雲霞艷拂五銖衣同工莫漫論遲宿有態何須較瘠肥坡詩短長肥瘠各有好與南宮留故事陽春不信和人態玉環飛燕誰敢憎

稀

十二日進呈題紙和畢黃門

奎光燭影爛交輝奏牘高擎達

禁闌三試通宵催射策

九重清夜正求衣波添瀛海經春暝花發瓊林得雨肥
簾下鵷班同拜手鷄鳴紫陌聽依稀

春闈雨雪

上念士子衣履霑濡

特頒諭旨各賜帑金疊韻恭紀

春雪凝膏動曉輝欣聞

天語達重闈勤農望切期登麥愛士情殷重解衣有志

敢先天下樂

以上述
上諭中語

銜恩不為一身肥朱提拜賜歡

聲洽藏澤均霑自古稀

鄭方伯黃臬司張觀察招同彭宮允遊趵突泉

濟南名泉天下奇狀流突見城南臨白龍拔地幾千尺

鰐爪劈破青玻璃明沙石瀨開平曠噴薄中心忽神旺

地湧青蓮玉作花并抽冰柱銀翻浪驚湍瀲灩滙清渠
日影波紋上綺疏當軒坐擁三堆雪繞檻平傾百斛珠
圖經自昔聞靈瀆勝槩今來真在目寧誇鷺羽曲江濤
不數晴虹匡阜瀑公餘軒蓋駐郊坰野色泉聲共一亭
泳游自適魚依藻呵殿不驚鳧唼萍清秋歲稔場將滌
地主情殷尋古跡酌泉共喻飲冰心紀游莫笑成詩癖
留別山左諸當事

簾前喜見斗奎明撒棘真從鏡裏行歲稔豈煩多頌禱

政修端不露才名千城和氣春常益百道泉香水共清
持謝蓮湖好明月鵲華秋色照行旌

四譯館署齋宿不寐

典重祈年肅薦馨致齋連夜宿寒廳千門月午更頻轉
萬柝風高夢易醒往事忽來心耿耿清時無補髣星星
微吟燈炮香消後賸欲題詩滿素屏

十一月十六日蒙

恩特授內閣學士兼禮部侍郎恭紀

木天清秘接鑿坡旭日東華擁佩珂履迹近參元老後
綸言日演

聖恩多星占紫極三階正氣轉鴻鈞四序和回首隔年
曾暫到草麻中夜淚傾河

內閣衙門齋宿

綸扉窈窕獨齊居吏散堂空稱讀書點筆清於歸直後
垂簾寂似放叅餘寒雅背日層城迥獨樹吟風靜院虛
枯坐晚來消百慮遠聞宮漏報更初

恩賜福字恭紀

宸章百幅散雲煙
禁直欣蒙異數偏
寶墨香含仙露潤
彩箋紅映日華鮮
捧來玉案榮三錫
懸向芝楣耀九天
聖澤無疆時歛福
承恩恰喜值元年

歲暮

大裕陪

祀恭紀

玉瑄陽回鳳紀周薦馨

清廟肅

宸旒廣庭星火香烟合丹陛雲麾曙色浮萬國歡心通

孝享

累朝德澤溯

詒謀

聖皇嗣服當元祀繩武於今頌作求

封印前一日洗

寶恭紀

赭簾高揭傍南榮
尚墮雙擎次第行
壓紐蠕蠕雲欲動
出奩虹起月爭明
金盆水漾丹砂暖
綈几香浮寶篆清
歸踏霜華龍尾道
禁鐘纔聽第三聲

題張晴嵐編修用白描法畫海棠

羯鼓聲驚睡態濃
東風裊裊影重重
霏微香霧雲鬟濕
除是瑤臺月下逢

粉紅香白一枝枝
璧月當頭照影時
消得滿浮金鑒落
錦帷銀燭醉題詩

繡幙香濃艷綺霞天然風韻擅繁華
江梅莫漫矜標格箇是東風富貴花

龍眠神妙獨追尋筆底春含造化心
說與筌熙原未識雙鉤家法本來禽

米禽帖以唐人雙鉤者為最

蔣錦峯同卿齋中菊花經春鮮茂賦詩紀事奉和
浩蕩光風轉綠蘋高齋黃菊尚鮮新
東皇特與延齡訣破例留教占好春

歷徧冰霜閱歲時開遲贏得謝還遲
好教濃艷閒桃李

識取西風澹遠姿

燈棚暖室艷芬芳
老圃秋容興轉長
寄語綺筵姚魏種

論交合遜丈人行

京師燈市
已有牡丹

崇蘭紫蕙分庭秀
交映酡顏晚節香
深下重簾好將護
春來風日較秋長

送顧侍讀予假還里

未及懸車早乞身
西清晉秩

詔恩新

兩朝遭遇儒林重千古文章

帝鑒真此去滄洲全晚節異時清史美完人祇餘禁直
聽鐘侶悵望雲帆潞水濱

市上見菊花

菊花開日近重陽壓擔驚看滿把黃種處遠分籬落趣
攜來新帶露痕香誰曾賞識風塵外便恐輕拋道路傍
老圃秋容珍重在未應三徑遂全荒

牧牛詞

金史四八八
卷八
牛角彎彎尾秃速平坡草軟春烟綠冬暖閒依枯樹眠
畫長喘向清溪浴隴頭一笛夕陽遲好語青蓑背上兒
長鞭短軛苦不辭為念泥深雨滑時

得四弟揚州信

喜見平安字天邊望遠鴻一帆催客雨三日渡江風世
事艱難裏人情閱歷中今宵池草夢飛繞蜀岡東

恭和

御製雨夜咏懷元韻

正是宵衣問夜時
瑤階清灑雨聲遲
聽來細響催宮漏
釀得輕寒徹

御帷膏澤間間勤
遠慮艱難稼穡最先知

宸章自寫憂勞意
不藉元臣論十思

送鴈

肅肅征鴻着夜飛
聯翩南下欲何依
棲鳥匝樹驚難定
巢燕辭梁夢已非
闔塞極知霜露冷
江湖未必稻粱肥
平沙落月堪惆悵
好待春風作陣歸

金月四庫全書
卷八
夜坐

獨對寒缸擁敝袍
鑪香茗椀興陶陶
滿庭霧氣月初上
隔巷柝聲風漸高
坐久深知無事樂
倦來方覺有生勞
恐妨胸次冲和氣
不遣班書送濁醪

虛牝黃金莫漫嗟
空驚歲月似奔蛇
平生得意無多子
千古傳人定幾家
詩到杜韓窮變態
才高燕許擅風華
年來稍識青燈味
倦眼翻憐暮景斜

十 同直諸公相次屬和疊韻奉酬

淋漓濃墨點新袍滿目琳瑯散鬱陶步引良遊爭入勝
歌因善和轉成高研磨久藉同人益傳寫應憐侍史勞
雅荷羣公親切意澆愁百斛醉醇醪

擊鉢聲中互賞嗟休論往事問弓蛇才高點綴多新意
律細縱橫總大家坐剪銀缸原寂寞集成金谷轉豪華
香牋手把迴環讀禁漏頻催晝景斜

扈從謁

陵再疊前韻

五年四度拂征袍

予自雍正十一年至今前後四度從

又策羸驂擁復陶

潞水雲帆連海闊
薊門烟樹接天高

孝思難繪朝陵頌
文學寧辭侍從勞
況值小春時候好
禦寒不藉市村醪

扶攜童叟道傍嗟
頻見霓旌載隼蛇
供頓何曾煩里老

賜租前已遍山家

去春謁陵免所過郡邑租稅

川原車馬催行色
村

落雞豚驗物華
落日平沙圍萬幕
炊烟縷縷出林斜

車行四疊前韻

不覺寒威襲敝袍行窩兀兀復陶陶稍從迂折長轅穩
閱盡爭先駿足高風日舊諳征客況冰霜還念僕夫勞
倦來最好情騰睡那問前村貰濁醪

偶陟崎嶇敢怨嗟層岡歷歷路盤蛇徐牽漫擬移花舫
小憇何妨傍酒家自畏霜蹄有顛蹶敢從油碧競繁華
依然趨直圖中景翹望行營日每斜

予舊有乘車小照
題曰雨中趨直圖

鄭明經坤裳家上舍文麓各和前韻揚詡過當再

疊前韻

才大均應奪錦袍豪吟曾不藉鎔陶平看壁壘曹劉短
益信光芒李杜高風雨爭飛文藻麗雲霞競織錦機勞
挑燈把玩心俱醉勝酌中山玉色醪

編貝聯珠競賞嗟居然赤手捕長蛇撐腸經筭排千卷
劇目詞鋒廢百家冀北空羣思伯樂斗南占氣有張華
長歌起步中庭月笑指螢牕素練斜

鵲立門前聚白袍黃金入冶土成陶春含曉蕙香初動
雪壓溪梅韻更高自古娉婷甘嫁晚幾番延佇歎媒勞

好看花放長安日京尹親供內府醪

粧成顧影自矜嗟釵是盤龍髻綰蛇玉樹歌傳江令宅
璿璣圖織寶滔家輕袿岩畔淩波步廣袖風前唾石華
看煞翠盤中拂舞影蛾池上月痕斜

邦均和蔣學士韻

繡甸周原敞東來又一程野烟千嶂合夜火萬星明
隱聞行漏迢迢隔網城明朝山路峻飛夢逐雙旌

望盤山和張侍讀韻

名山一以望塵夢豁然醒遠樹秋容澹寒烟石骨青何
當策筇杖相與叩雲扃勝約行須踐將身入畫屏

石門

形勝天然壯峯迴石作門紫垣森列衛翠嶂列屏藩地
以鍾靈王泉因得氣溫

橋山遙在望鬱鬱曉雲屯

馬蘭關和張侍讀韻

萬山迴合勢崢嶸形勝天開福兆呈佳氣葱葱浮

寢殿霏烟漠漠護邊城陰崖積雪餘寒色幽壑鳴泉送
遠聲翹首

兩朝弓劍地千秋詒祚頌昇平

扈從還都得兩弟家書觸緒成詩却寄四首

鄉書傳到小春前裘帽新從扈

蹕旋豹尾蒼茫風日外雁聲嘹唳暮雲邊竹西歌吹增

羈思

四弟近
容維揚

硯北琴書少靜緣

三弟讀書種慧僧舍以
酬應不得下帷為苦

拂却征塵還細讀頓教愁緒一時牽

熏鑪鏤管趁銅龍涕泗中宵意萬重三世幸邀

如綉誥一坏未妥若堂封瀧岡有待先磐石白鶴行來
合種松直恐

君親成兩負非闕歲稔美為農

直廬清暇漏聲長仙侶時時說故鄉戲蝶拍來臨帖硯
流鶯啼近讀書牀杏花小店酒初熟穀雨滿村茶正香
直欲荷鋤隨老圃不知簪筆侍岩廊

瘦馬凌兢踏曉霜空驚韶景去堂堂時占旭日花磚影

追憶薰風殿閣涼詩為苦吟偏覺鈍書因嬾寄却成忙
多慚似海

恩難報敢道山林引興長

顧侍讀小崖寄示舟行對菊有懷同直之作次答
一首

偷然鶴骨聳吟肩渺渺江帆一片懸人淡黃花秋水岸
詩成紅樹夕陽天輕鷗波靜眠安穩去雁雲高影接連
歸到東籬家釀熟舊遊誰不羨登仙

題張侍讀桃花流水扁舟圖

昔年曾讀雙溪集南湖釣艇微風入後來偶讀他山詩

龍眠清夢記花時

文端公集中有桃花釣艇小照詩又查他山前輩有題今少保師桃花流

水扁舟圖詩見本集

而今又向圖中見新水粼粼花片片襟期澹

蕩本家風衫染波光枝拂面君才瓌逸氣吐虹萬斛舟
乘萬里風雲帆吹送弱水東阿母窻前花正濃樽桑日
映胭脂紅迴頭却笑天隨翁延緣不出菰蒲叢興來偶
寄滄洲趨把卷花前着短篷春流滑笏不可唾漁子篙

師紛捩舵武陵誰許問仙源爭羨船如天上坐綠楊芳
杜碧溪頭夾岸花明錦浪浮留得滿前春意在濟川端
合任虛舟

至日於修潔弟行笥得從父懋思先生中州遺詩
讀之泫然感賦二律

手捧遺編黯斷腸
鵲誰信鶴隨羊

集名羊
鶴草

風情衰柳

禁秋雨氣味寒花著曉霜
貧到老來偏作客
病於夢裏劇思鄉
工愁愁語誰能讀
讀去愁隨一線長

隔牆燈火聽高吟瘦竹緣階散夕陰

叔所居與子僅隔一牆庭前方竹數

竿子嘗侍叔劇談其下

老手織來機是錦餘丹點處字成金家難敢

厭安西筆雛鳳重傷子敬琴

鈴法弟今又沒於嶺外

忝竊浮名更

何補當年激賞愧知音

冬至八韻

緹室葭飛鐘律應南郊

親享

泰丘園仙韶縹緲旌麾外香霧氤氲咫尺間蒼壁

朝陳通御氣大裘宵擁識

龍顏雲祥迥映紫烟紫日彩先迎燎火殷

五帝聖靈同盼嚮三霄星斗近躋攀趨蹌紺幄瞻

天切搖曳鸞旗候

駕還一線迎長來禁掖

九重錫福徧區寰年年此日叨隨侍壓帽霜華豹尾班

松泉集卷八